

## Mir hawwe enn Beiemoosder

No ja also, jetzt iss die Wählerei erum, die Wahlplakate werrn eweckgeroomt unn bald iss alles widder beim Alde, beim alde Beiemoosder ewe.

Was soll merr dem Monn jetzt saache, wasser mache soll in de nächsde sechs Jahr?

Deerst emol solle die zwaa ferr die Stichwahl omm letzde Sunndaach iwwerisch-gebliwene Kandidade um de Beiemoosderposde, de Michael Antenbrink und de Markus Ochs, jetzt ihn Friede mettenonner mache unn widder zesommeschaffe. Isch moon, die hädde genuch gestridde unn ess iss sovill ze due in unserne Stadt unn dene Stadtteile, dess brauch die gonz Kraft vom Beiemoosder unn vumm Ersde Stadtrat. Schließlich stiehn hinner dene zwaa joo aach zwaa starke Parteie, die ess sisch nitt leisde kenne, long ze jubele odder ze trauern, je noochdem obse gewunne odder verlorn hawwe. Unn aach die Leit um de Sven Heß misse mettschaffe, Flerschem brauch vill Köpp unn Sinn.

Doo iss deerst emol die Sach mettem Fluchlärm unn dene Schadstoffe iwwer Flerschem, dess derrf nitt vergesse werrn, dass merr all doodegeesche sinn unn desdeweesche misse merr allminonner due, was möchlich iss, dass der Krach unn der Dreck von dene Fluchzeuche wenischer werrn; omm Beste wär, wenn die Londebohn, die nei, zugemacht werrn det.

Die Leit wolle doch fliehe, heern merr immer widder. Awwer ess iss doch koo Sach, dass alls die Fliescherei billischer werrd. Stellt eich emol vor, mir hädde vor saache merr mol fuffzeh Jahr gesaat, mir wolle ferr 39,99 doomols noch Dee-Mark nooch Mailond fliehe, um dort e paar Schuh ze kaafe, die 600 Dee-Mark kosde. Doo hädde doch jeder Mensch gesaat, ihr spinnt, dess werrds nie gewwe. Unn heit duts dess gewwe, weil die Fluchgesellschafte saache, ihr kennt ferr 19,99 Euro doohie fliesche – unn doo fliehn halt die Leit unn kaafe ihr Schuh in Mailond.

Als zweides soll merr all dene omm Flerschemer Ruder saache, dass deerst was ferr die Altstadt gedue werrn muss. Jetzt werrd ooner degeeschehalle, deerst misse merr was ferr die Weilbacher due, mett dere Ortsumfahrung, ja, dess muss nodierlich aach gemacht werrn, awwer mir wisse doch, wie long su ebbes dauert. Unn bei dere Umfahrung wisse merr wenischdens schunn, wies gemacht werrn soll.

Weil die Altstadt, dess kann isch eich heit schunn saache, werrd mett dere neie Unnerführung in de Wickerer Strooß, wennse erst emol ferdisch iss, nor ferr die Audos ebbes bringe, no ja, die misse e bissi fahrn unn misse nitt onn de Baria stieh, um drei odder vier Ziech vorbeizelosse. Awwer die Fußgänger unn noch schlimmer die, die enn Rollador dricke misse – unn dess gibt joo immer mehr Leit, die uff den Drickkann oogewiese sinn -, die hawwe enn weide Weesch berschab, berschuff von de Rossertstrooß her bisse uff de onner Seit vunn de Bohn sinn. Glaabt merr, wens dusder iss unn ess iss halt dusder bei uns e halb Jahr long owends ab fünf Uhr, donn gieht koo unn kooner mehr unner dere Bohn dorsch. Weils weid iss iss unn weil die Leit Ängst hawwe, ess det doo unne was bassiern.

Also muss die Altstadt uffgewert werrn, unn weil die Konkurrenz dess Geschäft belewe dut, wärs gut, zum Norma noch enn onnern Betrieb mett Butter unn Käs unn Milch unn Worschd in de Näh vom Axthelm-Gelände unnerzebringe, vielleicht newerm Friseur Hommer in dere Baulick, wo vor kurzem noch dess Schichtel-Haus gestonne hott. De Tegut kann schunn metter Fläch von nitt mehr als 600 Quadratmeter soi Sache verkaafe, merr misst die Firma halt emol frooche, obse nooch Flerschum kumme will.

ebb\_293\_552563468\_3564555509.doc

Ihr Männer unn aach ihr Weibslait, ess gibt vill ze due, lossts nit leie! Eiern Honnes.